

# PLEIV TUJETSCH



**Rapport annual 2008**

## INVITAZIUN

alla radunonza generala dalla pleiv Tujetsch  
gliendisdis, ils 15 da zereladur 2009  
allas 20.00 uras en sala da scola Rueras

### Tractandas

1. Avertura e beinvegni
2. Elecziun da dus dumbravuschs
3. Protocol dalla radunonza generala dils 16 da zercladur 2008
4. Rapport dil president dalla pleiv
5. Rapport dalla presidenta dil cussegl pastoral
6. Rendaquen, rapport dils revisurs ed approbaziun dil quen 2008
6. Preventiv e fixar il pei da taglia per igl onn 2009
7. Orientaziun
8. Varia

En num dalla suprastonza da pleiv Tujetsch envidein nus Vus, preziai commembers da nossa cuminonza, alla radunonza generala da Vossa pleiv. Ei legrass nus d'astgar beneventar in grond diember a quella impurtonta radunonza.

Il president  
Leci Brugger

Il vicepresident  
Ignazi Monn

# Protocol

**Radunonza generala dalla pleiv Tujetsch, gliendisdis, ils 16-06-2008 allas 20<sup>00</sup> uras ell'aula da scola a Sedrun.**

## **Presents**

41 persunas

## **Perstgisai**

Tadeus Giossi

Giusep Deflorin

Rafaela Hendry

Vigeli Schmid

## **Tractandas**

Avertura e beinvegni

1. Elecziun da dus dumbravuschs
2. Protocol dalla radunonza generala dils 13-06-2007
3. Rapport dil president dalla pleiv
4. Rapport dalla presidenta dil Cussegl pastoral
5. Rendaquen, rapport dils revisurs ed approbaziun dil quen 2007
6. Preventiv e fixar il pei da taglia per igl onn 2008
7. Orientaziun:  
Sur Reto Nay sco administratur
8. Varia

Il president dalla pleiv Leci Brugger arva la radunonza e fa in cordial beinvegni a tuts presents, specialmein a Sur Reto Nay, als calusters, al cussegl pastoral ed a ses consu-prastonts.

### **1. Elecziun da dus dumbravuschs**

Sco dumbravuschs vegnan elegi: Mudest Venzin e Silvio Soliva

### **2. Protocol dalla radunonza generala dils 13-06-2007**

Il protocol vegn approbaus unanimamein sco el ei vegnius publicaus el cudischet dil rapport annual.

### **3. Rapport dil president**

Il rapport dil president relata sur dil curriu e passau eifer igl onn passau. Il president fa menziun en siu rapport sur da nozzas, naschientschas e mortoris. Sur da midadas en suprastonza, cussegl pastoral, instrucziun da ductrina e calusters.

Il rapport dil president ch'ei medemamein mess a scret el rapport annual vegn approbaus unanimamein senza neginas objecziuns.

### **4. Rapport dalla presidenta dil Cussegl pastoral**

Era il rapport dalla presidenta dil cussegl pastoral, Ursula Deplazes, ei mess a scret el cudischet. En quel rapportescha ella sur dil program ch'ei vegnius menaus atras dil cussegl. Uonn ha ei dau bia da remediare vestgadira, a tuttas cusunzas e cusunzs in grond Dieu paghi. Il rapport dil cussegl pastoral vegn medemamein approbaus cun tscherna unanima e senza neginas midadas.

### **5. Rendaquen, rapport dils revisurs ed approbaziun dil quen 2007**

Simeon Cavegn presenta las principalas cefras ord il quen pigl onn da gestiun 2007.

Il quen da cult muossa ora entradas totalas da frs. 465'989.10 ed expensas da frs. 453'051.65, quei che resulta in mudest avanzament da frs. 12'937.45. Il cassier dat sclariment sur dallas pli grondas divergenzas d'entradas ed expensas en cumparegl culs onns passai. Plinavon fa el menziun che aschiditg sco las entradas semovan en quella dimensiun sa la pleiv era segidar cun las fundaziuns, las qualas han per part pintgas entradas. Il manteniment da quels objects sacralis cuosta dabia ed ei mo cun igl agid dalla pleiv pusseivels da realisar. La bilanza per ils 31.12.2007 se presenta cun activas da frs. 1'168'387.25 e passivas da rodund frs. 220'000.00. Igl agen capital semova a frs. 935'369.55.

#### **b) Rapport dils revisurs**

Hubert Venzin e Linus Vincenz han fatg revisiun da quen ils 23-04-2008. Els hagian examinau e controllau il quen e la bilanza dalla pleiv sco era ils quens dallas baselgias e capluttas. En siu rapport menziuneschan els ch'il quen seigi sco usitau vegnius menaus bein e schuber e corrispundi ad ina contabilitad moderna. Tuts mussaments corrispundi-en allas cudischaziuns. Sin fundament da sias controllas proponan ils revisurs d'approbar il quen e la billanza e da dar scarica al cassier ed alla suprastonza da pleiv.

Unanimamein approbeschan votantas e vontants il quen annual e la bilanza dalla pleiv da Tujesch.

## **6. Preventiv e fixar il pei da taglia per igl onn 2008**

Il preventiv se basa sin il quen digl onn vargau. Quel ei medemamein vegnius tschentaus si a scret el carnet da rapport. Nies cassier Simeon Cavegn orientescha ch' ils cuosts «manteniment casas», menziunai el preventiv cun frs. 52'000.00 seresultien ord il motiv che la casa pervenda a Rueras drovi novas finiastras. Mo quella summa seigi quinta-da memia pauc demai che havein quintau memia paucas finiastras.

La suprastonza da pleiv propona da preveder il pei da taglia sco entochen ussa, numna-damein 10 % dalla taglia cantunala. Aschiditg che las entradas sespleghien en quella dimensiun, dueigi la pleiv buca alzar il pei da taglia. Era sch' ella spiardi susteniments dil corpus catholicum en cass da renovaziun e manteniment da nos sanctuaris orientescha il president ils presents.

Unanimamein approbeschan votantas e votants il preventiv ed il pei da taglia da 10 %

## **7. Orientaziun**

La suprastonza dalla pleiv ha empruau da surplidar sur Reto Nay da schar eleger el sco plevon da nossa pleiv. Mo nuot ha saviu perschuaeder el da far quei pass, aschia ch' el stat vinavon sco administratur tier nus. Enstagl da plevon ei el provisur dalla pleiv da Tujetsch.

## **8. Varia**

Sut varia vegn la damonda co ei stetti cun ina cumissiuun da renovaziun per s.Onna. Il president Leci Brugger orientescha ch' ei vegni buca a dar ina tala, demai che havein cun Jgnazi Monn ina persuna cumpetenta per quella restauraziun.

Era vegn fatg la damonda co ils daners per las unfrendas pridas si en baselgia vegnan d'uvrai. Certas unfrendas vegnan pretendidas dagl uestgiu e quellas van suenter reglament digl uestgiu directamein a lez. Las unfrendas da mintga messa ordinaria van sin il conto dallas baselgias e capluttas nua che la messa ei vegnida legida. Quei ein entradas per quels sanctuaris. La pleiv ha neginas entradas cun daners d' unfrendas.

Il president Leci Brugger siara la radunonza.

A tuts presents engrazia el per la participaziun e giavischa in bien retuorn a casa e la protecziun dil Tutpussent.

Rueras, ils 08-07-2008

Il president: Leci Brugger

L'actuara: Rita Hitz-Schmid

## Rapport annual 2008

Igl onn 2008 ei staus per la pleiv Tujetsch in onn regular. Ei dat buca pli gronds eveniments ni activitads da remarcar. Tiel manteniment dils baghetgs havein denton danovamein giu da bia cuosts, quei che vegn era ad esser egl onn current.

### Naschientschas, nozzas, mortoris

Egl onn vargau havein nus astgau selegrar da 12 naschientschas, 6 poppas e 6 pops. Treis affons ein da famiglias jastras. Nozzas, en baselgia ni capluttas havein giu 6 enzinaziuns. La mort ha era fatg sia raccolta sco mintg'onn, nus havein giu en Tujetsch 12 mortoris.

Allas famiglias cun poppas e pops giavischein ventira, benedicziun e bia plascher culs affons. Als novs coniugals gratulein ch'els ein sedecidi da metter lur letgs sut schurmetg dil Segner. Ils defuncts ruaussien en pasch.

### Fagts dalla suprastonza

El ravugl dalla suprastonza havein giu ina fetg buna collaboraziun. En endisch radunonzas da suprastonza havein liquidau las fatschentas. Sur Reto Nay ha assistiu mintgamai allas radunonzas cun vusch consultativa. Singuls suprastonts ein vegni delegai a differentas sentupadas per contrahar en in ni l'auter fatg. A mes consuprastonts in grond e sincer engraziament per la buna cooperaziun. Tuts seprendan en cun bunaveglia per ils fatgs dalla pleiv, aschia ch'igl ei bi da luvrar ensemen.



## **Calustrias e calusters**

Nus havein cletg che las treis baselgias e mintga caplutta han in engaschau caluster che ha quitau digl edifeci e fa siu duer cun plascher. Las calustrias da Rueras e Sedrun dattan bia da far e basegnan grond quitau, las baselgias ein adina schubras e bein decoradas, las calustras meretan in resentiu engraziament. La baselgia da peleginadi da Selva vegn aviarta mintgadi. Il contuorn en ed ord curtin ei adina cultivaus e schubers, quei che pretenda gronda lavur. Era diversas capluttas dattan bia fastedi e quitau. Patertgeien mo vid igl arver e serrar quellas regularmein. Ils calustersAs dallas capluttas fan siu sur-vetsch voluntari el quiet, ad els medemamein in grond engraziament e Dieus paghi!

## **Baselgias e capluttas**

- Baselgia s. Giachen: Per la baselgia da s. Giachen havein schau far in'offerta che munta a frs. 22'078.45 per schar installar in sistem accustic electronic che fuss cum-patibels culs apparats per l'udida. Tier quels cuosts vegnessen aunc ils cuosts per metter en ils uders per trer en las lingias, tenor schazetg ca. 12'000.00 tochen 15'000.00 francs.
- Baselgia s. Pieder e s. Paul da Selva: A Selva era previu gl'onn vargau da sanar ils mirs entuorn baselgia. Quei ei ina gronda investiziun ch'ei denton urgenta e nunevitable. Las lavurs han stuiu vegnir refiersas sin questa primavera. Ils cuosts muntan a rodund 30'000.00 francs.
- Caplutta da s. Bistgaun a Giuv: La caplutta ei vegnida benedida ora ils 13 d'uost 2008. In pulit diember da pelegrins han assistiu a quella edificonta funcziun.

En quei connex lessel menziunar che l'Uniun Culturala Tujetsch ha priu l'iniziativa da mantener ils baghetgs sper caplutta. Il baghetg sur caplutta auda alla pleiv ed ei ualti decadents. Nus havein priu la decisiun da sustener quei project commensurada-mein.

- Caplutta s. Onna: Sco giu communicau alla davosa radunonza generala era previu ina sanaziun dils mirs che tilan humiditad e bettan ora salpeter. Cun quellas lavurs ei mo vegniu entschiet 2008, quei per schar schigiar ora ils mirs. Sin ca. ils in da fenadur duessen las lavurs da sanaziun esser terminadas e la biala caplutta puspei a disposiziun als parochians.

Vus veseis, cun tons edifecis dat ei mintg'onn grónds cuosts da manteniment, reparaturas ni adattaziuns al temps dad oz. Nus havein retschert in grond artadi da nos perdavons e cun quel era l'obligaziun da mantener ils bials sanctuaris per diever en honor per nies bien Diu, mo era la valor culturala ei enorma. Nos hosps admiran ils bials edifecis e bein enqual gruppa annunzia il giavisch d'astgar far in survetsch divin en ina ni l'autra caplutta ni baselgia.

### **Ductrina**

Sco giu communicau han la scolasta ed ils scolasts dallas classas aultas surpriu per in onn d'emprova da dar instrucziun d'etica, suenter che Hubert Venzin aveva abdicau quella incumbensa. Egl avegnir vul Hubert puspei repreneur quellas uras da dar ductrina, quei che nus beneventein. In'ulteriura midada dat ei cunquei che dunna Letizia Berther ei vegnida elegida sco mussadra da scoletta. Quellas uras d'estrucziun surprendan Ursulina Cavegn e Hubert Venzin. Aschia havein anflau ina buna sligaziun per igl onn proxim da scola.

### **Project «animaziun per giuventetgna»**

La pleiv ha duront ils davos onns adina puspei susteniu la lavur per giuventetgna ch'ei vegnida fatga ella regiun cun ina contribuziun comensurada.

El rapport dalla suprastonza dalla Regiun Surselva partenent lavur per giuventetgna ha quella proponiu, che las vischnauncas dalla CADI elegien ina gruppa da lavur per giuventetgna. Las vischnauncas han fatg quei e la gruppa da lauvr ha gia giu diversas radunonzas cul tema da preparar professunalmein la lavur per giuventetgna ella regiun. Quei project vegn menaus d'in um dil fatg, per il cantun grischun, signur David Pfulg (jugend.gr) el vegn sustenius da signur Matthias Grond (AHJ Kath. Landeskirche GR) che ei era staus entochen oz en funcziun per las pleivs grischunas sco cusseglader en quels fatgs. Per la vischnaunca politica ei gerau Baseli Berther vegnius tscharnius sco delegau, la suprastonza dalla Pleiv Tujetsch ha tarmess mia paucadad en quella cumissiun. El futur vegn la lavur per giuventetgna ad esser in tema che vegn a fatschentar nus e che nus vulein prender serius.

### **Cussegl pastoral**

El cussegl pastoral ha Ursula Deplazes surdau il presidi cun la radunonza generala dils 16 da zercladur ad Ursulina Cavegn-Bisquolm. Duront 3 onns ha Ursula Deplazes tgamunau il cussegl pastoral. Ad ella in cordial engraziament per tut prestau. Ella resta commembra dil cussegl e nus sperein ch'ella fetschi aunc ditg calustra da s. Vigeli, aschia vegn ella a saver sustener vinavon ils projects pastorals dil cussegl.



Ursulina Cavegn ha priu cun curascha e plascher la nova incumbensa, quei ch'ella ha gia mussau. Nus essan perschuaadi ch'ella vegn a tgamunar cun success ils fatgs dil cussegl pastoral. Egl avegnir vul la suprastonza dalla pleiv promover il contact cul cussegl pastoral quei ch'ei in giavisch vicendeivel.


### **Engraziament e Conclusiun**

Alla fin in resentiu e grond engraziament a tuts funcziunaris ufficials ed al personal sco a parochians ch'ei semussai gideivels ni beinvulents viers la Plev Tujetsch. In spezial engraziament a sur Reto ed a sur Tumaisch Berther, provisor en casa s. Vigeli per la buna pastorziun.

En miu rapport haiel sespruau da dar ina retrospectiva sils fatgs dalla pleiv duront igl onn vargau. Nus astgein esser fetg engrazieivels a Diu per tut retschiert ed era esser pertscharts ch'ei va fetg bein cun nus en Tujetsch. Deplorablamein sefa pli e pli ina digren pigl interess per religiun e cardientscha. Johannes Müller, grond theolog e psycholog ha detg: «Cardientscha e nuncardientscha ein decisivas per il destin dil carstgaun. Cardientscha ei l'energia positiva, nuncardientscha la negativa.» Pia lein crer en in bien avegnir per tgierp ed olma. Dieus vegli benedir nus e nossas stentas e pertgirar nus vinavon.

Per la suprastonza dalla pleiv Tujetsch,

il president  
Leci Brugger



## Rapport annual dil cussegl pastoral 2008

Preziadas parochiantas e preziai parochiants,

En num dil cussegl pastoral s'auda ei a mi da dar in rapport annual. Mo avon che far quei vi jeu metter avon a Vus il pensum e las obligaziuns dil cussegl pastoral (statuts per il cussegl pastoral dalla pleiv da Tujetsch):

- accumpignament dils ministrants
- liturgia, formar il survetsch divin, devoziuns e celebrar ils sacraments
- scolaziun dils carschi, scolaziun e formaziun religiosa, profundaziun
- pastoraziun dalla giuventetgna duront e sunter ils onns da scola, scolaziun religiosa, promover e sustener iniziativas dalla giuventetgna
- interpresa da pleiv, luvrar ora program annual, coordinar la lavur dalla pleiv cullas differentas uniuns
- promover e cultivar las relaziuns da carstgauns tier carstgauns
- luvrar ensemen cun cuminonzas surregionalas che s'occupeschan dalla pastoraziun
- s'engaschar per la sensibilisaziun dils parochians/AS en vesta als problems universals (Missiun, tierz mund) ed en favur da libertad, pasch, giustia e manteniment dalla scaffiziun

Igl ei ina massa duers. Il cussegl pastoral ha denton fetg buns gidonters. Cheu ein da numnar l'uniun dallas dunnas che presta fetg bia en num dil cussegl pastoral. Lu havein il Salid dil Segner, cun mummas che celebreschan in per gadas ad onn in'uretta religiosa cun ils affons pigns. La giuventetgna cun lur tradiziun da Sontgaclau. Ils lecturs/AS e la gruppa liturgica che segida cun la pastoraziun.

Jeu vi sin quella via ed en num dil cussegl pastoral engraziar a tuts gidonters per lur engaschi en favur da nossa pleiv. Tgei fuss ina baselgia senza quels che s'engaschan e sesprovan da mantener la baselgia en moviment.

Mo leu nua ch'ei ha moviment e veta sa ina baselgia viver.

Perquei in grond Dieus paghi a vus tuts. In engraziament s'auda era a vus parochians/As che purteis e deis veta a nossa pleiv.

## **Program da lavur 2008**

### **Survetsch divin da famiglia**

Quella s. messa vegn celebrada igl atun cun ina s. messa d'engraziament per la raccolta. Ils scolars dalla 6. classa han embelliu la s. messa. Ils parochians/As han purtau fretgs e verduras ils quals ein vegni vendi alla fin dalla s. messa en favur d'ina ovra sociala.

### **Rorate**

Uonn havein nus fatg per l'emprema gada la s. messa da Rorate. Nus havein priu il tema: «Nina, nua eis ti da casa»? Las s. messas havein fatg a Rueras ed a Sedrun. Nus havein vuliu porscher ina s. messa per la famiglia nua ch'ins sa entrar en baselgia cun latiarnas, udir ina historia che ha da far cun il temps d'Advent. Igl ei impurtont da prender peda per in mument nua che nus savein tedlar e savein ira en nusezs. El temps dad oz nua che tut sto ira spert eis ei impurtont, silmeins duront igl advent, da prender temps per nus e nossa famiglia.

### **Messa dil Sontgaclau**

Igl usit da Sontgaclau vegn menaus atras dalla giuventetgna. Dapi entgins onns vegn entschiet cun ina s. messa. Naturalmein havein nus era fatg quei uonn. Ils sogns ein entrain en baselgia ed in dad els ha fatg beinvegni a pign e grond. Igl ei stau in bi survetsch divin ed alla fin ha nies augsegner tarmess ils Sogns tier ils affons a casa cun la benedicziun.

### **S. Silvester**

Cheu havein sco igl onn avon tedlau musica d'ina CD cun tuns da Hymnos Akathistos. In e scadin ha saviu reflectar e meditar il curriu e passau duront igl onn ora.

### **Ils s. Retgs**

Treis dis van ils s. Retgs da casa tier casa a cantar lur canzun. Ils scolasts Beni Hendry e Ciril Monn muossan als scolars/As il cant dils s. Retgs.

Astrid Monn smincadra ed ils commembers dil cussegl pastoral accumpognan ils retgs.

In grond engraziament a tuts che segidan per in bien gartegiar e per il manteniment da quella biala tradiziun.

## **Di da suppa**

Quei di vegn fatg ina s. messa en sala da scola a Sedrun e silsunter vegn offeriu ina suppa. Uonn ein ils scolars/As dalla 5. classa segidai cun embellir la s. messa. Els han fatg paunins e gidau duront il survetsch divin. A nies bien Ignazi Schmid che fa dapi onns la buna suppa in cordial engraziament. Buca d'emblidar tut quels che gidan adina puspei cun metter en ed ora las measas e segidan en cuschina. Dieus paghi a Vus tuts.

## **Sontgilcrest**

Vegn celebrau ina s. messa avon casa s. Vigeli. Sunter messa vegn dau caschun als parochiants/As ed als hosps da gentar sil plaz. Il recav va en favur dils ministrants/AS. Aschia havein nus saviu porscher mintga dus onns als ministrants/AS in' jamna en in camp. Senza vies sustegn havessan nus buca saviu far quels camps. Bien engraziament en num da nos ministrants/AS.

## **Aperitivs**

Era quei ei in pensum dil cussegl pastoral. Offerir aperitivs ils dis da perdanonza a Rueras ed a Sedrun. Saver star suenter ina biala processiuon ensemen, guder in bien migiel vin e dar ina paterlada cun ils vischins. Era quei ei ina part da nossa cuminonza da pleiv, prender peda e dar ina paterlada in cun l' auter. Quei ei ina caussa che va oz pli e pli bia a piarder. Nies temps da «stress» e preschas lai buca temps. Aschia ein quels dis pli e pli impurtonts per nus e nossa societad.

## **Pelegrinadi a Selva**

Tradizionalmein havein nus menau atras ils pelegrinadis a Selva. Pliras dumengias ein ils pelegrins/As serendi a Selva ella biala baselgia da Nossadunna. Saver guder ensemen cun auters pelegrins ina biala s. messa cun priedi e tedlar il bi cant dils differents chors ei nutriment per spert ed olma.

## **Plaid final**

Scio finiziuon da miu rapport s' auda ei a mi d' engraziar a nies plevon sur Reto Nay per siu bien agid. Als commembers dil cussegl pastoral cun lur confamigliars, alla supras-tonza da pleiv, al secretariat dalla pleiv, als lecturs, alla gruppa liturgica, als ministrants/AS, als chors e dirigents, alla musica, als organists ed a tuts che segidan per il beinstar da nossa pleiv.

A tuts in grond Dieus paghi.

Camischolas, matg 2009

Per il cussegl pastoral  
Ursulina Cavegn

# Bilanza per ils 31-12-2008

## Activas

### Facultad currenta

Conto banca Cantunala	372.15
Conto banca Raiffeisen	251'727.50
Debiturs	14'651.85
Dabien taglia da cult	226'801.40
Dabien taglia anticipada	1'473.45
Activas transitoricas	0.00

### Facultad plazzada

Casa pervenda Sedrun	253'000.00
Casa pervenda veglia Sedrun	153'000.00
Casa pervenda Rueras	125'000.00
Casa pervenda Selva	158'000.00
Baghetg Selva	33'500.00
Faner Rueras	6'800.00
Prau agricol	20'000.00

### Tetels da valur

Conto da spargn BRT	662.80
---------------------	--------

## Passivas

### Capital jester

Crediturs	163'746.70
Crediturs «taglia fontauna»	0.00
Deivet hipotecar	120'000.00
Passivas transitoricas	0.00

### Agen capital e reservas

Agen capital	948'307.00
Reserva manten.baghetgs e baselgias	0.00
<b>Gudogn / sperdita digl onn</b>	<b>12'935.45</b>

<b>Total</b>	<b>1'244'989.15</b>	<b>1'244'989.15</b>
--------------	---------------------	---------------------

7188 Sedrun, ils 2 da matg 2009 sc

Il cassier: Cavegn Simeon

# Quen da cult pigl onn 2008

## Expensas

### Cuosts da personal/instanzas

Pagas	171'836.40
Pagas e cuosts suprastonza	28'970.30
Pagas augsegners gidonters	3'350.00
Pastoraziun da giuventetgna CADI	3'372.00
Cussegl pastoral / Agid pastoraziun	3'902.75
Cassa da cumpensaziun AVS	14'455.95
Cassa da pensiun	9'637.80
Cassa da malsauns ed accidents	1'041.20
Ulteriurs cuosts da personal	9'069.90

### Cuosts immobilias ed indrezs

Manteniment casas	39'447.25
Manteniment baghetgs	73.00
Manteniment indrezs	6'264.70
Renovaziun caplutta s. Onna	5'953.15
Manteniment e cuosts dad orglas	1'733.00
Manteniment baselgias e lavurs da contuorn	6'099.55
Ieli, electricitad, aua	3'290.80
Serenera, canalisaziun e rumians	3'040.75

### Cuosts generals

Tscheins e cuosts da banca	4'519.00
Taglias	2'244.00
Segiradas	2'349.35
Spesas d'auto, tel. plevons	3'960.00
Contribuziuns	65'483.00
Incasso taglia	5'737.63
Uorden per dar ductrina	3'036.30
Stampats/publicaziuns/inserats	5'340.70
Cuosts da biro/EDV/portis	2'062.20
Spesas suprastonza/consummaziuns radunonzas	648.20
Embelliments	285.20
Ulteriurs cuosts generals	1'844.10
Deducziuns	13'700.00

### Total expensas

**\*422'748.18**

## Entradas

### Taglias

Taglia da cult	258'630.53
Taglia alla fontauna	86'030.60

### Tscheins

Tscheins casa	49'950.00
Tscheins activs	4'298.15
Tscheins da praus e terren	4'199.00
Tscheins prau Dulezi	24'497.65

### Contribuziuns

Contribuziuns caluster	1'500.00
Contribuziuns ductrina	6'000.00
Bunamanas sogntget Gedijs	0.00
Diversas intradas	577.70

**Total entradas** \*435'683.63

### Cumparegliaziun

<b>Total expensas/entradas</b>	<b>*422'748.18</b>	<b>*435'683.63</b>
<b>Fatg anavon</b>	<b>*12'935.45</b>	
<b>Total</b>	<b>*435'683.63</b>	<b>*435'683.63</b>



# Preventiv Pleiv Tujetsch 2009

1. Entradas	Quen 2008	Preventiv 2009
<i>A) Taglias</i>		
- Taglia da cult	258'630.53	250'000.00
- Taglia alla fontauna	86'030.60	80'000.00
<i>B) Tscheins</i>		
- Tscheins casa	49'950.00	50'000.00
- Tscheins activs	4'298.15	200.00
- Tscheins da praus e terren	4'199.00	4'200.00
- Tscheins prau Dulezi	24'497.65	6'000.00
<i>C) Contribuziuns</i>		
- Contribuziun caluster	1'500.00	1'500.00
- Contribuziun ductrina	6'000.00	6'000.00
- Bunamanas sontget Gediun	-	200.00
- Diversas entradas	577.70	500.00
<b>Total entradas</b>	<b>435'683.63</b>	<b>398'600.00</b>
<b>2. Expensas</b>		
<i>A) Cuosts da persunal/instanzas</i>		
- Pagas	171'836.40	172'000.00
- Pagas e cuosts suprastonza	28'970.30	28'000.00
- Pagas augsegners gidonters	3'350.00	4'000.00
- Pastoraziun da giuventetgna CADI	3'372.00	3'000.00
- Cuors da perfecziun	-	1'000.00
- Cussegl pastoral	2'133.30	2'000.00
- Agid vid la pastoraziun	1'769.45	1'500.00
- Cassa da cumpensaziun AVS	14'455.95	15'000.00
- Cassa da pensiun	9'637.80	10'200.00
- Cassa da malsaus ed accidents	1'041.20	1'500.00
- Ulteriurs cuosts da persunal	9'069.90	10'000.00



**B) Cuosts immobilias ed indrezs**

- Manteniment casas	39'447.25	10'000.00
- Manteniment baghetgs	73.00	10'000.00
- Manteniment indrezs	6'264.70	10'000.00
- Renovaziun caplutta s. Onna	5'953.15	20'000.00
- Manteniment e cuosts dad orglas	1'733.00	2'000.00
- Manteniment baselgias	5'087.50	6'000.00
- Lavurs da contuorn	1'012.05	3'000.00
- Jeli/electricitad/aua	3'290.80	3'500.00
- Serenera/canalizaziun/miardas	3'040.75	3'500.00

**C) Cuosts generals**

- Tscheins e spesas da banca	4'519.00	4'500.00
- Taglias / taxas	2'244.00	2'500.00
- Segiradas	2'349.35	2'500.00
- Spesas auto/tel. a plevons	3'960.00	4'000.00
- Contribuziuns	64'483.00	30'000.00
- Ulivaziun sperditas	1'000.00	0.00
- Incasso taglia	5'737.63	6'000.00
- Uorden per dar ductrina	3'036.30	3'500.00
- Stampats / inserats	5'340.70	5'500.00
- Material da biro, eed, porti ect.	2'062.20	3'500.00
- Spesas supr./consumm.radunonzas	648.20	1'000.00
- Embelliments	285.20	1'000.00
- Ulterius cuosts generals	1'844.10	3'000.00
- Deducziuns	13'700.00	13'700.00

**Total expensas** **422'748.18** **396'900.00**

**3. Cumparegliazium**

Total entradas	435'683.63	398'600.00
Total expensas	422'748.18	396'900.00

**Fatg anavon / anavos** **12'935.45** **1'700.00**

# Revista dil quen dalla baselgia s. Vigeli

## Entradas

Unfrendas	13'220.35
Glischettas	6'519.65
Bunamanas/legats	432.50
Tscheins bruts	2'352.65
Contribuziun pleiv	0.00
Restituziun messas fundadas	5'000.00
Renovaziun s. Vigeli	151'481.05
VT / Vendita prau Dulezi	0.00

**Total entradas** **179'006.20**

## Expensas

Unfrendas/collectas	520.25
Segiradas/taxas	7'161.00
Energia	6'713.55
Stipendis messas fundadas	2'570.00
Embelliments/candeilas	1'919.70
Vins da messas/hostias	1'781.90
Manteniments/REP/Schubergiar	1'650.25
Tscheins/spesas banca	27.35
Renovaziun s. Vigeli	54.95

**Total expensas** **22'398.95**

**Surpli entradas** **156'607.25**

Il cassier: Cavegn Simeon

## Revista dil quen dalla baselgia s. Giachen

### Entradas

Unfrendas ordinarias	6'006.80
Glischettas	4'180.65
Bunamanas/legats	1'261.95
Restituziun messas fundadas	4'500.00
Tscheins bruts	402.95
Contribuziun pleiv	0.00

**Total entradas** **16'352.35**

### Expensas

Segiradas/taxas	2'661.35
Energia	3'935.00
Stipendis messas fundadas	1'340.00
Candeilas/Embelliments	1'357.80
Vins da messa/hostias	112.80
Manteniments/REP/Schubergiar	78.00
Tscheins/spesas banca	756.25

**Total expensas** **10'241.20**

**Surpli entradas** **6'111.15**

Il cassier:

Cavegn Simeon

## Facultad baselgias e capluttas

<b>Sedrun: Baselgia s.Vigeli</b>	Facultad	418'616.35
Ugau e caluster:	Deivet	640'000.00
Deplazes Ursula	Fondo messas fundadas	192'460.00
<b>Rueras: Baselgia s.Giachen</b>	Facultad	5'418.92
Ugau e caluster :	Deivet bancar	20'000.00
Monn Imelda	Deivet fondo messas fund.	75'700.00
	Fondo messas fundadas	112'810.00
<b>Selva: Baselgia s.Gion e Paul</b>	Facultad	5'879.80
Ugau e caluster:	Fondo messas fundadas	28'000.00
Monn Gion Giachen		
<b>Tschamut: Caplutta s. Clau</b>	Facultad	3'301.10
Ugau: Hendry Fidel		
<b>Giuv: Caplutta s. Bistgaun</b>	Facultad	1'097.82
Ugau: Monn Gion Giachen		
<b>s. Brida: Caplutta s. Brida</b>	Facultad	16'903.90
Ugau: Venzin Mudest		
<b>Zarcuns: Capl. Nossadunna</b>	Facultad	10'448.90
Ugau : Schmid-Manetsch Vigeli		
<b>Camischolas: Capl. s.Onna</b>	Facultad	13'287.60
Ugau : Cavegn Venanzi		
<b>Bugnei: Caplutta s. Giusep</b>	Facultad	38'170.80
Ugau: Solèr Ambrosi		
<b>Cavorgia : s. Leci</b>	Facultad	4'292.95
Ugau: Cavegn Margrith		
<b>Surrein: s. Antoni</b>	Facultad	42'601.70
Ugau: Loretz Jovita		
Il cassier:	Cavegn Simeon	

## Rapport dils revisurs da quen

Per la radunonza dalla Pleiv da Tujetsch

Stimada suprastonza

Stimadas commembras, stimai commembers dalla Pleiv da Tujetsch

La revisiun dil quen 2008 ei vegnida fatga entras ils 2 revisurs en preschientscha dil cassier ils dus da matg 2009. Tier nossa controlla havein nus inspectau il quen, la bilanza sco era ils quens dallas baselgias e capluttas.

Sco usitau ei il quen menaus conform alla contabilitad moderna, schuber e bein. Tut ils mussaments ein avon maun e corrispundan allas cudischaziuns. Tier tut nos-sas damondas ha il cassier saviu porscher il sclariment giavischau.

Sin fundament da nossa controlla proponin nus alla radunonza generala:

- a) *dad approbar il quen e la bilanza 2008 dalla Pleiv da Tujetsch*
- b) *da dar scarica al cassier e tuts funcziunaris dalla suprastonza*
- c) *dad admetter al cassier Simeon Cavegn in cordial Dieus paghi per siu grond engaschi.*

Rueras, entschatta matg 2009

Il revisurs:

Linus Vincenz

Hubert Venzin

## Officials dalla Pleiv Tujetsch

### Suprastonza dalla pleiv

president

vicepresident

actuara

cassier

Brugger Leci, Sedrun

Monn Ignazi, Sedrun

Hitz-Schmid Rita, Rueras

Cavegn Simeon, Sedrun

Adreoli Alice, Gionda

sur Nay Reto, Sedrun (ex off.)

### Post da contact

Cavegn-Flury Margrith, Sedrun

### Revisurs da quen

suppleants

Vincenz Linus, Rueras

Venzin Hubert, Rueras

Monn Gion Giachen, Rueras

Venzin Mudest, Rueras

### Ugaus baselgias e capluttas

Tschamut

Selva

s.Brida

Giuv

Rueras

Zarcuns

Camischolas

Sedrun

Sontget dils gedijs

Bugnei

Surrein

Cavorgia

Hendry Fidel, Tschamut

Monn Gion Giachen, Rueras

Venzin Mudest, Rueras

Monn Gion Giachen, Rueras

Monn Imelda, Rueras

Schmid Vigeli, Zarcuns

Cavegn Venanzi, Camischolas

Deplazes Ursula, Sedrun

Deragisch Valentin, Sedrun

Solèr Ambrosi, Bugnei

Loretz Jovita, Surrein

Cavegn Margrith, Sedrun

### Organists/As

Pally-Brugger Vinzens, Rueras

Schmid-Bläsi Fabiola, Cuera

Steinacher Erica, Turitg/Mustér

### Dirigents dils chors

baselgia Sedrun

baselgia Rueras

Hendry Benedetg, Sedrun

Hendry Tarcisi, Sedrun

**Calustra Sedrun**

**Calustra Rueras**

**Caluster Selva**

**Cussegl pastoral:**

presidenta

actuar

cassier

ex. officio:

**Ductrina**

**Parter ora la s. communiun,  
lecturs/as, survetsch preu-  
caristic e gruppa liturgica**

**Sminca s. retgs**

Deplazes Ursula, Sedrun

Monn-Monn Imelda, Rueras

Monn Gion Giachen, Rueras

Cavegn-Bisquolm Ursulina, Camischolas

Munsch-Vincenz Marcus, Sedrun

Caduff-Deplazes Arthur, Sedrun

Andreoli-Schmid Alice, Gionda (deleg. supr.)

Cavegn-Berther Lucia, Sedrun

Deplazes-Monn Ursula, Sedrun

Estermann-Schmid Ervina, Gionda

Hendry Rafaela, Gionda

Monn-Monn Imelda, Rueras

Riedi-Berther Maria-Barla, Gionda

sur Reto Nay

Berther-Loretz Letizia, Camischolas

Cavegn-Bisquolm Ursulina, Camischolas

Venzin Hubert, Rueras

Berther-Tuor Barla, Rueras

Cathomen-Giossi Nicolina, Rueras

Cavegn-Berther Franzisca, Sedrun

Cavegn-Flury Margrith, Sedrun

Cavegn-Giger Nesa, Sedrun

Deplazes-Giossi Manuela, Rueras

Deplazes-Monn Ursula, Sedrun

Estermann-Schmid Ervina, Gionda

Giossi-Peterhans Tadeus, Rueras

Giossi-Maissen Veronica, Dentervitgs

Hendry Rafaela, Gionda

Monn-Monn Imelda, Rueras

Monn-Jacomet Marianna, Sedrun

Monn-Berther Olivia, Sedrun

Monn-Jacomet Sep Andriu, Sedrun

Munsch-Vincenz Marcus, Sedrun

Schmid-Manetsch Vigeli, Zarcuns

Soliva-Flepp Marcel, Sedrun

Monn-Schlosser Astrid, Camischolas